

En Vielha, 28 de noveme de 2017

AMASSADI

D'ua part Juan Antonio Serrano Iglesias, Alcalde-President der Ajuntament de Vielha e Mijaran, damb NIF num. P2530400G, assistit pera Secretària dera Corporacion, facultat per acòrd dera Junta de Govèrn Locau de data 14 de noveme de 2017.

Der auta Javier Cavero Sáez, damb DNI num. ena sua condicion de president dera associacion Club Athletic Val d'Aran damb NIF num. G25750043, domiciliada en carrèr Casteth num. 17 de Vielha.

MANIFÈSTEN

1èr.- Qu'existís ena Val d'Aran, damb sedença en Vielha, era entitat Club Athletic Val d'Aran (CAVA), qu'a coma finalitat fomentar es espòrts d'atletisme e running a trauèrs der esdeveniment esportiu Era Nocturna de Vielha.

2au.- Qu'ei volentat der Ajuntament de Vielha e Mijaran balhar supòrt economic as activitats que pòrte a tèrme era entitat pr'amor dera sua finalitat non lucratiua, en tot auer en compde qu'er Ajuntament de Vielha e Mijaran considere qu'eth prètzhèt realizat pera Entitat ei d'interès public.

3au.- Er Ajuntament de Vielha e Mijaran a en vigor era Ordenança Municipau reguladora de subvencions aprovada peth Plen de data 22 de deseme de 2005, modificada pera Corporacion Municipau eth 26 de seteme de 2007 e peth Plen de data 22 de seteme de 2014, e en sòn article 10 s'establís qu'es subvencions poderàn autrejear-se directament en quauqui casi, entre es quaus se trapen aqueri enes que s'acrediten arrasons d'interès public e sociau.

4au.- Qu'enes Bases d'execucion deth pressupòst der an 2017 i cònte era següent subvencion nominatiua de 2.000,00€ (dus mil èuros) ara entitat Club Athletic Val d'Aran, damb càrgue ara partida pressupostària 2017-1-34100-48027-01.

5au.- Era Ordenança Municipau tanben establís que normaument era concession dirècta se formalizarà en un convèni.

Per tot çò, conven eth present convèni e ar efècte establissen es següenti:

PACTES

PRUMÈR.- Ei objècte deth present convèni era collaboracion entre er Ajuntament de Vielha e Mijaran e era entitat Club Athletic Val d'Aran entara organizacion der esdeveniment Era Nocturna de Vielha.

DUSAU.- Qu'en marc d'aguesta collaboracion era entitat Club Athletic Val d'Aran s'obligue organizar er esdeveniment esportiu Era Nocturna de Vielha.

TRESAU.- Er Ajuntament de Vielha e Mijaran collabòre damb aquestes actiuetats autrejant ara entitat ua subvencion pera quantitat totau de 2.000,00€ (dus mil èuros), que s'abonaràn en un unic tèrme.

QUATAU.- S'establirà ua comission de seguiment amassada damb era entiat e representants der Ajuntament, entà reconduir possibles desviacions economiques e hèr ua avaloracion qualitativa der esdeveniment.

Sense perjudici de çò dit anteriorment, er Ajuntament de Vielha e Mijaran, e per miei dera Intervencion de Hòns Municipau, a era potestat irrenonciable d'efectuar eth contròtle d'aplicacion des subvencions e ajuts economics de quinsevolh tipe que s'autrejen, entà verificar feacement que s'invertís ena finauetat entara que s'autrejèc, tot çò en compliment der article 189 e 214 deth Tèxt Rehonot dera Lei reguladora des Isendes Locaus.

CINQUAU.- Era entiat justificarà abantes deth 15 de deseme der an en cors ar Ajuntament de Vielha e Mijaran eth destin dera subvencion, e aurà de presentar es factures e es rebuts des pagaments corresponents.

SIESAU.- En toti es actes, imprèsi e oposcles editadi pera entitat se harà constar ar Ajuntament de Vielha e Mijaran coma organitzador.

SETAU.- Eth present convèni de collaboracion entre er Ajuntament de Vielha e Mijaran e era entiat Club Athletic Val d'Aran a naturalesa administratiua e regís ena sua interpretacion e desenvolopament er ordenament juridic administratiu, damb expressa submission des parts ara jurisdiccion contenciosa-administratiua.

En tot çò non contemplat en aquest convèni s'estarà ad açò que dispausa era Ley General de Subvenciones.

UEITAU.- Es parts signatàries d'aquest convèni s'obliguen a dar compliment ara Lei 19/2014, de 29 de deseme, de transparéncia, accés ara informacion publica e bon govèrn enes tèrmes en que li siguen aplicables.

E en pròva de conformitat, andues parts signen eth present convèni per duplicat e a un solet efècte, e en lòc e data nomentadi.

Juan Antonio Serrano Iglesias	Javier Cavero Sáez	Pilar Hervada Vidal
Alcalde	President Club Athletic Val d'Aran	Secretaria-Interventora